

**KUALA LUMPUR,** — Perdana Menteri, Datuk Seri Dr. Mahathir Mohamad akan mengadakan rumah terbuka pada hari raya pertama dan kedua di kediamannya di No. 3 Jalan Tunku di sini.

Waktu kunjungan bagi hari pertama ialah dari 10.30 pagi hingga 1 petang dan dari jam 2.30 petang hingga 6.30 petang di hari raya kedua.

Timbalan Perdana Menteri, Datuk Musa Hitam turut mengadakan rumah terbuka pada hari raya pertama dan kedua di Rumah Malaysia, Jalan Ampang.

Pada hari raya pertama, beliau akan menerima tetamu dari jam 11 pagi hingga 1 petang dan dari jam 2.30 hingga 6 petang.

Pada hari raya kedua pula dari jam 10 pagi hingga 1 petang dan dari jam 2.30 hingga 6 petang.

### Tetamu

Senarai lengkap bagi rumah terbuka yang diadakan oleh Menteri-menteri Kabinet lain ialah:

● Menteri Kewangan, Tengku Razaleigh Hamzah mengadakan rumah terbuka pada hari raya pertama di kediamannya di 'Palm Manor', Jalan Sultan Ibrahim, Kota Bharu, Kelantan dari jam 10 pagi hingga 6 petang.

● Menteri Luar, Tan Sri Ghazali Shafie akan mengadakan rumah terbuka di hari raya pertama dari jam 12 tengah hari hingga 6 petang di No. 15, Jalan Ampang Hill di sini.

● Menteri Kebudayaan, Belia dan Sukan, Datuk Mokhtar Hashim menerima tetamu di kediamannya di No. 50, Jalan 16/6, Petaling Jaya pada hari raya kedua dari jam 10 pagi hingga 1 petang dan dari jam 2 hingga 6 petang.

### Meraikan

● Menteri Perusahaan Awam, Datin Paduka Rafidah Aziz pula akan mengadakan rumah terbuka pada hari raya pertama dan kedua dari jam 2 hingga 6.30 petang di rumahnya di No. 12, Jalan 16/6 Petaling Jaya. Satu jamuan bagi kanak-kanak akan diadakan pada jam 4 petang hari kedua.

● Menteri Wilayah Persekutuan, Datuk Pengiran Othman Rauf akan mengadakan rumah terbuka di kediamannya di No. 14, Hillview Estate Jalan Ulu Kelang pada hari raya pertama dan kedua.

# Rumah2 terbuka sambut Hari Raya

Bahan asal dari Arkib  
Negara Malaysia

Waktu kunjungan pada hari raya pertama ialah dari jam 2 hingga 6 petang dan dari jam 9 pagi hingga 1 tengah hari pada hari raya kedua.

Beliau akan juga meraikan serombongan 50 orang Ahli Jawatankuasa Rukun Tetangga dari Sektor Setapak dan Air Panas pada hari raya kedua.

Pada hari raya kedua beliau akan meraikan serombongan 50 orang kanak-kanak.

### Istana

● Menteri di Jabatan Perdana Menteri, Datuk Haji Mohamad Nasir akan meraikan tetamu pada hari raya pertama di kediamannya di No. 56, Jalan Datuk Abu Bakar (16/1), Petaling Jaya dari jam 11 pagi hingga 3 petang.

● Menteri Perdagangan dan Perindustrian, Tengku Ahmad Rithauddeen akan mengadakan rumah terbuka di kediaman beliau di Sabak, Kota Bharu, Kelantan pada hari Isnin 3 Ogos dari jam 3 hingga 6 petang.

● Menteri Pertanian, Datuk Haji Abdul Manan Othman akan mengadakan rumah terbuka pada hari raya pertama di rumahnya di No. 58B, Bukit Jambul, Jalan Air Jernih, Kuala Trengganu dari jam 8.30 pagi.

● Menteri di Jabatan Perdana Menteri, Datuk Abdullah Haji Ahmad B a d a w i a k a n mengadakan rumah

terbuka di rumahnya di Jalan Perak, Kepala Batas Seberang Perai pada hari raya pertama dari 8.30 pagi hingga 5 petang.

● Menteri Pengerangan, Datuk Mohamad Rahmat akan mengadakan rumah terbuka pada hari raya kedua di kediamannya di No. 38A, Lorong Limau, Kampung Pasir, Tampoi, Johor Bahru dari jam 10 pagi hingga 6 petang.

Sementara itu di Negeri Sembilan, Yang Dipertuan Besar Negeri Sembilan akan mengadakan Istana terbuka di Istana Besar Sri Menanti pada hari raya pertama.

### Kediaman

Kerabat-kerabat Diraja serta orang ramai dijemput dari jam 10 pagi hingga 1 petang sementara ketua-ketua jabatan serta orang-orang kenamaan dari jam 4.30 hingga 6 petang.

Sementara itu, Menteri Besar Negeri Sembilan, Datuk Rais Yatim akan mengadakan rumah terbuka di kediaman beliau di hari raya pertama dari jam 9.30 pagi hingga 1.30 petang dan dari jam 8 hingga 1 malam.

Di Pulau Pinang pula, Ketua Menteri Pulau Pinang, Dr. Lim Chong Eu akan mengadakan rumah terbuka di kediaman rasmi beliau di-324 Jalan Macalister, Pulau Pinang pada hari raya pertama antara jam 3 petang hingga 6 petang.